



SLUŽBENI GLASNIK OPĆINE SANSKI MOST

Godina XXII Broj 05/17 S. Most, 31. maj, 2017. god.

Izdavač:
Općinsko vijeće
Sanski Most

Redakcioni odbor:
Sabahudin Paunović
Evelin Rizvanović

Odgovorni urednik:
Sabahudin Paunović

Pretplata: 50 KM

SADRŽAJ

Službeni glasnik općine Sanski Most
Broj: 05/17 Godina XXII 31. maj 2017. god.

Odluka o pristupanju izrade Prostornog plana općine Sanski Most za period od 20 godina	2
Odluka o usvajanju Plana implementacije Strategije lokalnog razvoja 2017-2019 godine	6
Odluka o utvrđivanju javnog interesa za nepotpunu eksproprijaciju-ustanovljenje prava služnosti za legalizaciju rekonstruisane mreže „Ekonomija“ Sanski Most	7
Rješenje o izmjeni Rješenje o imenovanju Komisije za sigurnost saobraćaja na području općina Sanski Most	8
Zaključak o usvajanju Izvještaja o poslovanju za 2016. godinu JU „Narodna biblioteka“ Sanski Most	9
Zaključak o usvajanju Izvještaja o radu i Finansijski pokazatelji JU „Centar za socijalni rad“ Sanski Most za period I-XII 2016. godinu	10
Zaključak o usvajanju Programa rada sa Finansijskim planom JU „Gradska dvorana“ doo Sanski Most za 2017. godinu	11

Na osnovu članova 16. i 23. Zakona o prostornom planiranju i korištenju zemljišta na nivou Federacije BiH ("Službene novine FBiH", broj: 02/06, 72/07, 32/08, 4/10, 13/10 i 45/10), članova 34. i 46. Zakona o prostornom uređenju i građenju ("Službeni glasnik Unsko-sanskog kantona", broj: 12/13 i 3/16) i člana 24. Statuta Općine Sanski Most ("Službeni glasnik Općine Sanski Most", broj: 4/08, 5/08, 5/09, 2/10 i 9/11), Općinsko vijeće općine Sanski Most na 9. sjednici, održanoj 30.05.2017.god., **d o n o s i**

O D L U K U

O PRISTUPANJU IZRADI PROSTORNOG PLANA OPĆINE SANSKI MOST ZA PERIOD OD 20 GODINA

Član 1.

Pristupa se izradi Prostornog plana općine Sanski Most za period od 20 godina (u daljem tekstu: Prostorni plan).

Prostornim planom utvrdit će se dugoročna politika uređenja prostora i ravnomjernog privrednog, društvenog i historijskog razvoja Općine.

Kod utvrđivanja općih ciljeva polazi se od: zajedničkih interesa i ciljeva utvrđenih prostornim planom šireg područja, strateških razvojnih dokumenata, kako državnih, entitetskih, kantonalnih, tako i međunarodnih, politike racionalnog korištenja prostora i zaštite okoliša, načela održivog razvoja, kao i cilja postizanja balansirano socijalno-ekonomskog razvoja.

Prostornim planom posebno se utvrđuje: osnovna namjena prostora, definišu se granice naseljenih mjesta i urbanih područja, definišu se granice zona zaštita izvorišta vode za piće, građevina i koridora važnih za Federaciju, Kanton i Općinu, sa zaštitnim infrastrukturnim pojasevima (vodna, saobraćajna, energetska, telekomunikaciona i druga infrastruktura), zatim federalna, kantonalna i druga društvena infrastruktura od značaja za općinu (zdravstvo, obrazovanje, nauka, kultura, sport, uprava, turizam, bankarstvo, usluge, opskrba i sl.), mjere zaštite okoliša sa razmještajem građevina i postrojenja koja mogu značajnije ugroziti okoliš, mjere zaštite graditeljskog i prirodnog nasljeđa, mjere zaštite od elementarnih nepogoda, prirodnih i tehničkih katastrofa, te ratnih djelovanja, način i obim iskorištavanja mineralnih sirovina, obaveze u pogledu detaljnijeg planiranja uređenja manjih prostornih cjelina unutar općine (urbanistički plan i detaljni planski dokumenti).

Član 2.

Prostorni plan se radi za cjelovito područje općine Sanski Most.

Član 3.

Prostorni plan Općine se donosi za vremenski period od 20 godina.

Član 4.

Priprema, izrada i sadržaj Prostornog plana radić će se u skladu sa odredbama Zakona o

prostornom planiranju i korištenju zemljišta na nivou Federacije BiH ("Službene novine FBiH", broj: 02/06, 72/07, 32/08, 4/10, 13/10 i 45/10), Zakona o prostornom uređenju i građenju ("Službeni glasnik Unsko-sanskog kantona", broj: 12/13 i 3/16) i Uredbom o jedinstvenoj metodologiji za izradu planskih dokumenata ("Službene novine Federacije BiH", broj: 63/04, 50/07 i 84/10).

Član 5.

Rok za izradu Prostornog plana je 24 (dvadeset i četiri) mjeseci od dana potpisivanja Ugovora sa nosiocem izrade Prostornog plana.

Član 6.

Nosilac pripreme za izradu Prostornog plana je Općinski načelnik putem općinske službe za prostorno uređenje, građenje i stambene poslove. (u daljem tekstu nosilac pripreme Plana)

Nosilac pripreme Plana je dužan osigurati saradnju i usaglašavanje stavova sa: svim vlasnicima nekretnina, korisnicima prostora i relevantnim učesnicima u njegovoj izgradnji i uređivanju, organima uprave, pravnim osobama nadležnim za vodoprivredu, šumarstvo, poljoprivredu, saobraćaj, energetiku, turizam, rudarstvo, zdravstvo, obrazovanje, kulturu, zaštitu okoliša, zaštitu kulturno-historijskog i prirodnog naslijeđa, organima nadležnim za odbranu, privrednom komorom i drugim pravnim osobama nadležnim za komunalne djelatnosti, predstavnicima vjerskih zajednica, te pribaviti mišljenja i saglasnosti drugih nadležnih organa i organizacija na koje zakon obavezuje.

Nosilac pripreme Plana je dužan prije donošenja istog pribaviti saglasnost Ministarstva o usklađenosti ovog plana sa Prostornim planom Kantona, odnosno saglasnost za nastavak izrade više faze razvojnog dokumenta, od faze u kojoj je usvojen Prostorni plan kantona, ukoliko su konceptualne i planske postavke Prostornog plana općine usaglašene sa usvojenom fazom Prostornog plana Unsko-sanskog kantona.

Dinamika pripreme i izrade Prostornog plana definisana je Programom i planom aktivnosti za izradu Prostornog plana, koji je sastavni dio ove Odluke.

Nosilac pripreme će za potrebe uključivanja javnosti u proces pripreme i izrade Prostornog plana izraditi Program kojim će se definisati organizovanje tribina, okruglih stolova, javnih uvida i rasprava, kao i drugih oblika uključivanja javnosti u svim fazama pripreme i izrade Prostornog plana.

Program uključivanja javnosti je sastavni dio Programa i plana aktivnosti za izradu Prostornog plana.

Član 7.

Postupak pripreme i izrade Prostornog plana se sastoji iz dvije faze:

I Faza- Izrada Prostorne osnove (snimanje i analiza postojećeg stanja i problema u prostoru, utvrđivanje općih i posebnih ciljevima prostornog razvoja, izrada osnovne koncepcije prostornog razvoja, tj. Smjenica i izrada Studije ranjivosti)

II Faza- Izrada Prednacrt, Nacrt, Prijedloga i Odluke o provođenju Prostornog plana.

Član 8.

Sredstva za izradu Prostornog plana osigurat će se iz Budžeta općine Sanski Most.

Član 9.

Nosilac izrade Prostornog plana će se utvrditi u postupku javne nabavke. (u daljem tekstu: Nosilac izrade)

Nosilac izrade Plana je dužan izraditi Prostornu osnovu Prostornog plana, Prednacrt, Nacrt, Prijedlog i Odluku o provođenju Prostornog plana općine Sanski Most, u skladu sa Zakonom o prostornom planiranju i korištenju zemljišta na nivou Federacije BiH ("Službene novine FBiH", broj: 02/06, 72/07, 32/08, 4/10, 13/10 i 45/10), Zakonom o prostornom uređenju i građenju ("Službeni glasnik Unsko-sanskog kantona", broj: 12/13 i 3/16) i Uredbom o jedinstvenoj metodologiji za izradu planskih dokumenata ("Službene novine Federacije BiH", broj: 63/04, 50/07 i 84/10).

Član 10.

Nosilac izrade izrađuje Prostornu osnovu Prostornog plana, zatim se ista stavlja na Javni uvid u trajanju od 30 (trideset) dana. U sklopu Javnog uvida, organizuju se: Javna rasprava, prezentacije, okrugli stolovi i druge aktivnosti predviđene Programom uključivanja javnosti. Prije izrade Prostorne osnove, nosilac izrade izrađuje Studiju ranjivosti prostora. Nakon završetku Javnog uvida, Prostorna osnova se podnosi Općinskom vijeću na usvajanje. Po usvajanju Prostorne osnove, nosilac izrade izrađuje Prednacrt Prostornog plana, koji stavlja na Javni uvid u trajanju od 60 (šezdeset) dana: organizuje okrugle stolove, prezentacije i druge aktivnosti predviđene Programom uključivanja javnosti. Po završetku Javnog uvida, nosilac izrade utvrđuje Nacrt Prostornog plana i podnosi ga općinskom vijeću na usvajanje. Nakon usvajanja Nacrta Prostornog plana od strane Općinskog vijeća, nosilac pripreme isti stavlja na Javni uvid u trajanju od 60 (šezdeset) dana i organizuje Javnu raspravu, okrugle stolove i ostalo predviđeno Programom uključivanja javnosti. Na osnovu rezultata Javnog uvida o Nacrtu Prostornog plana, nosilac pripreme izrađuje Prijedlog Prostornog plana, kao i Izvještaj o provođenju Javnih rasprava i Javnog uvida sa obrazloženjem primjedbi koje nisu prihvaćene. Prijedlog Prostornog plana i Odluka o provođenju prostornog plana se podnose Općinskom vijeću na usvajanje.

Član 11.

Za stručno praćenje, usmjeravanja i utvrđivanja koncepta Prostornog plana, nosilac pripreme će uključiti Savjet plana. (u daljem tekstu: Savjet)

Savjet je sastavljen od istaknutih stručnjaka iz oblasti prostornog uređenja, urbanizma, saobraćaja, energetike, ekonomije, okoliša i drugih relevantnih oblasti.

U toku pripreme i izrade Prostornog plana Savjet pomaže nosiocu pripreme Plana u usaglašavanju sektorske politike, izboru stručnjaka i stručnih institucija za studije, elaborate i dr., daje mišljenje o primjedbama i sugestijama prikupljenim u toku javne rasprave i učestvuje u ostalim aktivnostima definisanim ovom Odlukom, sve do usvajanja Prostornog plana.

Član 12.

Subjekti planiranja i druge zainteresovane osobe na području općine, a naročito pravne osobe nadležne za vodoprivredu, šumarstvo, poljoprivredu, saobraćaj, energetiku, turizam, rudarstvo, zdravstvo, obrazovanje, kulturu, zaštitu okoliša, zaštitu kulturno-historijskog i prirodnog naslijeđa, organi nadležni za odbranu, privredna komora i druge pravne osobe nadležne za komunalne djelatnosti, predstavnici vjerskih zajednica, kao i organizacije koje raspolažu odgovarajućim statističkim podacima, dužni su nosiocu pripreme Plana, staviti na raspolaganje sve informacije, planove, programe i druge podatke o prostoru, sa kojima raspolažu.

Izuzev naknade troškova umnožavanja materijala, pravo na naknadu za davanje potrebnih informacija i dokumenata nemaju korisnici sredstava iz budžeta općina.

Član 13.

Ovom Odlukom stavlja se van snage Odluka o pristupanju izradi Prostornog plana općine Sanski Most za period od 2015. do 2035.god., br. 01-02-69/15 od 12.06.2015.god., objavljena u "Službenom glasniku općine Sanski Most", br. 04/15 i Program i plan aktivnosti za pripremu i izradu Prostornog plana općine Sanski Most, br. 01-02-91/15 od 03.07.2015.god., objavljen u "Službenom glasniku općine Sanski Most", br. 05/15.

Član 14.

Ova Odluka stupa na snagu 8. (osmog) dana od dana objavljivanja u "Službenom glasniku općine Sanski Most".

Broj: 01-02-105/17

Datum: 31.05.2017.god.

Predsjedavajuća Općinskog vijeća
Desanka Miljević, s.r.

Na osnovu člana 24. Statuta općine Sanski Most ("Službeni glasnik općine Sanski Most", br. 4/08, 5/08, 5/09, 2/10, 9/11) Općinsko vijeće Sanski Most na 9. sjednici održanoj dana 30.05.2017. godine donijelo je:

ODLUKU

o usvajanju Plana implementacije strategije lokalnog razvoja općine Sanski Most za period 2017. – 2019. godine

Član 1.

Usvaja se Plan implementacije strategije lokalnog razvoja općine Sanski Most za period 2017. – 2019. godine.

Član 2.

Sastavni dio ove Odluke je Plan implementacije strategije lokalnog razvoja općine Sanski Most za period 2017. – 2019. godine, koji predstavlja osnov za buduće trogodišnje djelovanje i aktivnosti u oblasti ekonomskog, društvenog i okolišnog sektora na području općine.

Član 3.

Ova Odluka stupa na snagu osmog dana od dana objavljivanja u Službenom glasniku općine Sanski Most.

Broj: 01-02-106/17

Predsjedavajuća Općinskog vijeća

Datum: 31.05.2017. godine

Desanka Miljević, s.r.

Na osnovu člana 24. Statuta Općine Sanski Most ("Sl. glasnik Općine Sanski Most" broj: 4/08, 5/08, 5/09, 2/10, 9/11) i člana 14. stav 4. Zakona o eksproprijaciji ("Sl. novine Federacije BiH" broj: 70/07, 36/10, 25/12), rješavajući po zahtjevu JP Elektroprivreda BiH dd Sarajevo, podružnica Bihać za legalizaciju rekonstruisane niskonaponske mreže "Ekonomija" općina Sanski Most, Općinsko vijeće na 09. sjednici održanoj dana 30.05.2017. godine, d o n o s i :

O D L U K U

o utvrđivanju javnog interesa za nepotpunu eksproprijaciju- ustanovljenje prava služnosti za legalizaciju rekonstruisane niskonaponske mreže "Ekonomija" općina Sanski Most

Član 1.

UTVRĐUJE SE DA JE OD JAVNOG INTERESA legalizacija rekonstruisane niskonaponske mreže "Ekonomija" općina Sanski Most, te da se u tu svrhu može pristupiti nepotpunoj eksproprijaciji-ustanovljenje prava služnosti na zemljištu označenom kao :

dio k.č.broj:1019,1760/1, 1760/2,1220/2,1220/1, 1166/2, 1764/1, 1170/9 i 1166/1 KO Sanski Most III, a prema urbanističkoj saglasnosti broj:UP-1-03-23-1-1837/15 od 15.03.2017. godine .

Član 2.

Utvrđuje se da je JP Elektroprivreda BiH dd Sarajevo, podružnica Bihać korisnik nepotpune eksproprijacije – ustanovljenje prava služnosti za legalizaciju rekonstruisane niskonaponske mreže "Ekonomija" općina Sanski Most .

Član 3.

Protiv ove odluke može se pokrenuti upravni spor podnošenjem tužbe Kantonalnom sudu u roku od 30 dana od dana dostavljanja ove odluke. Tužba se podnosi neposredno sudu.

Broj:01-02-107/17

Predsjedavajuća Općinskog vijeća

Datum:31.05.2017.godine

Desanka Miljević,s/r

Na osnovu člana 34. Odluke o regulaciji saobraćaja na putevima u naseljenim mjestima na području općine Sanski Most ("Službeni glasnik općine Sanski Most", br. 8/07, 07/08,04/15) i člana 24. Statuta općine Sanski Most ("Službeni glasnik općine Sanski Most", br. 4/08, 5/08, 5/09, 2/10 i 9/11) Općinsko vijeće na 9. sjednici održanoj dana 30.05.2017. godine donijelo je:

R J E Š E N J E
o izmjeni Rješenja o imenovanju
Komisije za sigurnost saobraćaja na putevima općine Sanski Most

I

U Rješenju o imenovanju Komisije za sigurnost saobraćaja na putevima općine Sanski Most ("Službeni glasnik općine Sanski Most", br. 03/15) u tački I podtački 2. ime Talić Munir zamjenjuje se imenom Hasić Muharem i u tački I podtački 3. Hasić Haris ime zamjenjuje se imenom Haris Pehadžić.

II

Ovo Rješenje stupa na snagu danom donošenja i bit će objavljeno u "Službenom glasniku općine Sanski Most".

Broj: 01-05-3-108/17

Predsjedavajuća Općinskog vijeća

Datum: 31.05.2017. godine

Desanka Miljević, s.r.

Na osnovu člana 24. Statuta općine Sanski Most („Službeni glasnik Općine Sanski Most“, broj: 4/08, 5/08, 5/09, 2/10 i 9/11) i člana 114. Poslovnika o radu Općinskog vijeće Sanski Most („Sl. Glasnik općine Sanski Most“ br. 4/17), Općinsko vijeće na 9. sjednici održanoj dana 30.05.2017. godine, donosi

ZAKLJUČAK

I

Usvaja se izvještaj o poslovanju za 2016. godinu JU “Narodna biblioteka” Sanski Most.

II

Zaključak stupa na snagu danom donošenja i bit će objavljen u “Službenom glasniku općine Sanski Most”

Broj: 01-02-109/17

Datum: 31.05.2017. god.

Predsjedavajuća Općinskog vijeća

Desanka Miljević, s.r.

Na osnovu člana 24. Statuta općine Sanski Most („Službeni glasnik Općine Sanski Most“, broj: 4/08, 5/08, 5/09, 2/10 i 9/11) i člana 114. Poslovnika o radu Općinskog vijeće Sanski Most („Sl. Glasnik općine Sanski Most“ br. 4/17), Općinsko vijeće na 9. sjednici održanoj dana 30.05.2017. godine, donosi

ZAKLJUČAK

I

Usvaja se izvještaj o radu i Finansijski pokazatelji JU „Centar za socijalni rad“ Sanski Most za period I-XII 2016. godinu

II

Zaključak stupa na snagu danom donošenja i bit će objavljen u “Službenom glasniku općine Sanski Most”

Broj: 01-02-110/17

Datum: 31.05.2017. god.

Predsjedavajuća Općinskog vijeća

Desanka Miljević, s.r.

Na osnovu člana 24. Statuta općine Sanski Most („Službeni glasnik Općine Sanski Most“, broj: 4/08, 5/08, 5/09, 2/10 i 9/11) i člana 114. Poslovnika o radu Općinskog vijeće Sanski Most („Sl. Glasnik općine Sanski Most“ br. 4/17), Općinsko vijeće na 9. sjednici održanoj dana 30.05.2017. godine, donosi

ZAKLJUČAK

I

Usvaja se Program rada sa Finansijskim planom JU „Gradska dvorana“ doo Sanski Most za 2017. godinu

II

Zaključak stupa na snagu danom donošenja i bit će objavljen u “Službenom glasniku općine Sanski Most”

Broj: 01-02-111/17
Datum: 31.05.2017. god.

Predsjedavajuća Općinskog vijeća
Desanka Miljević, s.r.

